



KOPO BAKENG SA HO THONYA: KGIRO YA DITHO TSE THARO (3) TSA BOTO YA LEKGOTLA LA KGASO LA AFRIKA BORWA (SABC)

Ditheo le/kapa batho ba mengwa ho thonya batho ba tla tlatsang dikgeo tse tharo (3) tsa mosebetsi tsa ditho tseo e seng tsa botsamaisi ba Boto ya Lekgotla la Kgaso la Afrika Borwa, tse hlalileng ka lebaka la ho dihela mosebetsi ha Mof Nomvuyiso Batyi le Mof Febbe Potgieter-Gqubule, bakeng sa nako e setseng ya ho tshwara mosebetsi ha Boto ya jwale jwalo ka ha ho hlalositse karolong ya 13(8) ya Molao wa Kgaso, wa 4 wa 1999.

Lekgotla la Kgaso la Afrika Borwa le ne le thewe ho ya ka Molao wa Kgaso (1936) jwalo ka tshebetso ya mmuso ya ho fana ka ditshebeletso tsa kgaso tsa radiyo le televishene ho Afrika Borwa.

Dithoko: Ditho tsa Boto, ha di shejwa e le sehlopha, di tlameha ho ba batho ba: • tshwanelang ho sebetsa Botong ka lebaka la ho ba le mangolo a thuto, boqhetseke le tsebo ya mosebetsi makaleng a leano la kgaso le thekenoloji, taolo ya kgaso, molao wa bophatlalatsi, tsebo ya tsamaiso ya kgwebo le tsa ditjhelete, thekiso, boqolotsi ba ditaba, boithabiso le thuto, ditaba tsa setjhaba le tsa basebetsi • itelelseng ho hloka leeme, tokoloho ya ho bua, tokelo ya setjhaba ya ho fumantshwa tsebo, mmoho le ponaletso le boikarabelo bathong ba tshwereng ditulo tsa basebeletsi ba setjhaba • ba emetseng merabe e fapaneng ya setjhaba sa Rephaboliki • ba itelelseng ho phethisa dipheo le dintlhatheo jwalo ka ha di hlalositse Tokomaneng ya SABC • e leng baahi ba Afrika Borwa ba dulang kahara Rephaboliki ka nako tsohle.

Dithonyo tse ngotsweng di tlameha ho ba le lebitso le aterese ka botlalo ya setheo le/kapa motho ya thonyang, kamohelo ya ho thonngwa e saennweng ke mothonngwa le CV ya hae, e fanang bonyane ka lesedi le latelang: • Mabitso ka botlalo, Nomoro ya tokomane ya boitsebiso le bong • Aterese ya bodulo, dinomoro tsa mohala le fekeese, le aterese ya imeile • Tsebo eo a nang le yona (a qolle dilemo le mekgatlo e amehang) • Ditokomane tsa mangolo a dithuto tse netefaditsweng le tokomane ya boitsebiso.

Dithonyo le dipatlisiso di tlameha ho lebiswa ho Mongodi wa Komiti, Monghadi Thembinkosi Ngoma, Komiti ya Tshebetso ho tsa Dikgokahanyo, 3rd Floor, 90 Plein Street, Cape Town, 8000 kapa di imelelwe ho tngoma@parliament.gov.za kapa di fekesetswe ho 0865225740. Dipatlisiso ka mohala di ka lebiswa ho (021) 403 3733.

Letsatsi la ho qetela la ho thonya: Labohlano, 15 Phupjane 2018 ka hora ya 16:00. O kotjwa ho elellwa hore ho tla lekolwa mangolo a thuto a bathonngwa le nalane e bontshang ditlolo tsa molao. Dithonyo tse fihlang kamorao ho nako di ke ke tsa shejwa.

E hlalhisitse ke Mong CHM Maxegwana, MP – Modulasetulo: Komiti ya Tshebetso ho tsa Dikgokahanyo.

Parliament. Making Democracy Work.